



Broj: 01/2-04-1702-3/2025
Breza, 30.06.2025. godine

Na osnovu člana 64. stav (1) tačka (b), člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javnu nabavku (Broj: 02/1-2-11-1706-9/2025 od 27.06.2025. godine) u postupku javne nabavke radova: „Sanacija dovodnog cjevovoda vodovoda Župča - Faza IV“, Općinski načelnik, d o n o s i

ODLUKU

o izboru najpovoljnijeg ponuđača

„Sanacija dovodnog cjevovoda vodovoda Župča - Faza IV“

Član 1.

Prihvata se Preporuka Komisije za javne nabavke, (broj: 02/1-2-11-1706-9/2025 od 27.06.2025. godine) i Ugovor za javnu nabavku radova: „Sanacija dovodnog cjevovoda vodovoda Župča - Faza IV“, dodjeljuje se izabranom ponuđaču „AME“ d.o.o. Breza, ul. Branilaca grada bb, Breza za ponuđenu cijenu **od 110.800,00 KM bez PDV-a, odnosno 129.636,00 KM s PDV-om**, u skladu s ponudom Ponuđača (broj: 09/25 od 19.06.2025 godine) i Izvještajem o toku i završetku „e-aukcije“ (postupak broj:726-1-3-19-3-19/25).

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) i d) Zakona o javnim nabavkama, ne starije od 3 (tri) mjeseca računajući od momenta predaje ponude, u skladu sa tačkom C)13) Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu.

Član 4.

Ova Odluka objavit će se na web-stranici Općine Breza, www.breza.gov.ba, istovremeno s upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-1706/2025 od 03.06.2025 i Odlukom o pokretanju postupka javne nabavke broj: 01/2-04-1702-1/2025 od 03.06.2025. godine.

Javna nabavka je provedena putem otvorenog postupka javne nabavke.

Procijenjena vrijednost javne nabavke: „Sanacija dovodnog cjevovoda vodovoda Župča - Faza IV“, iznosi 134.772,00 KM.

Obavještenje o nabavci broj: 726-1-3-19-3-19/25 objavljeno je na Portalu javnih nabavki dana 03.06.2025. godine i u „Službenom glasniku BiH“ broj: 34/25 od 09.06.2025. godine.

Na osnovu obavještenja na Portalu javnih nabavki, tendersku dokumentaciju sa portala E-nabavke je preuzelo 18(osamnaest) ponuđača.

Izveštaj o preuzimanju tenderske dokumentacije je u prilogu Zapisnika o pregledu i ocjeni ponude.

Komisija za javnu nabavku imenovana je Rješenjem Općinskog načelnika broj: 01/2-04-1702-2/2025 od 20.06.2025. godine.

Komisija za javnu nabavku dostavila je dana 27.06.2025. godine, Zapisnik o pregledu i ocjeni ponuda, broj: 02/1-2-11-1706-8/2025 i Preporuku o izboru najpovoljnijeg ponuđača, broj: 02/1-2-11-1706-9/2025 u postupku javne nabavke radova, „Sanacija dovodnog cjevovoda vodovoda Župča - Faza IV“.

Na javnom otvaranju ponuda nije bilo prisutnih predstavnika ispred ponuđača.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da je blagovremeno zaprimljeno 5 (pet) ponuda,
- da nije bilo neblagovremeno zaprimljenih ponuda,
- da su ponude ponuđača: „NISKOGRADNJA DURMIĆ“ D.O.O. ILIJAŠ, ul. Donja Misoča 16, „HYDRA“ D.O.O. SARAJEVO, ul. Lužansko polje 46a, „TERMOBETON“ D.O.O. BREZA, ul. Potkraj bb, „AME“ D.O.O. BREZA, ul. Branilaca grada bb i „BILAL“ D.O.O. SARAJEVO, ul. Misoča bb., prihvatljive ponude.

Ponuđači su dostavili sljedeće cijene ponude:

Naziv / ime ponuđača		Ponuđena cijena bez PDV-a	PDV (17%)	Ponuđena cijena sa PDV-om
1.	„NISKOGRADNJA DURMIĆ“ D.O.O. ILIJAŠ	129.882,84	22.069,88	151.892,72
2.	„HYDRA“ D.O.O. SARAJEVO	134.730,18	22.904,13	157.634,31
3.	„TERMOBETON“ D.O.O. BREZA	134.772,00	22.911,24	157.683,24
4.	„AME“ D.O.O. BREZA	134.626,97	22.886,58	157.513,55
5.	„BILAL“ D.O.O. SARAJEVO	134.646,75	22.889,94	157.536,69

Ugovorni organ je predvidio tenderskom dokumentacijom i u sistemu E-nabavke provođenje e-aukcije.

Komisija je dana 24.06.2025. godine, u skladu sa Pravilnikom o uslovima i načinu korištenja e-aukcije od 21.07.2016. godine, kroz sistem javnih nabavki, zakazala održavanje e-aukcije za kvalifikovane ponuđače za dan 27.06.2025. godine u 09,00 sati. Iz izvještaja o toku i završetku e-aukcije koji je kreiran 27.06.2025. godine u 9,49 sati je vidljiva:

KONAČNA RANG LISTA PONUĐAČA KOJI SU UČESTVOVALI U E-AUKCIJI:

R.b.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	„AME“ D.O.O. BREZA	4218105170009	110.800,00	17,7%	1
2	„TERMOBETON“ D.O.O. BREZA	4218300540007	110.900,00	17,71%	2
3	„BILAL“ D.O.O. SARAJEVO	4201025600002	129.466,75	3,85%	3
4	„NISKOGRADNJA DURMIĆ“ D.O.O. ILIJAŠ	4202041680004	129.882,84	0%	4
5	„HYDRA“ D.O.O. SARAJEVO	4201850310009	134.730,18	0%	5

**Označava približnu vrijednost procentualnog umanjenja nakon zaokruživanja na dvije decimale

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24) .

Predlagač: Služba za privredu

Obrađivač: Jasmina Došlić_____

DOSTAVLJENO:

1x Svim ponuđačima koji su učestvovali u
postupku JN

1x Služba za privredu

1x Služba za finansije, inspekcijske poslove i opću upravu

1x Viši samostalni referent - administrator mreže

1x Evidencija

1x a/a

OPĆINSKI NAČELNIK

Vedad Jusić